

**Republika e Shqiperisë**  
**Enti Rregullator i Energjisë**

**LICENCLICENCË**

**Për**

**AKTIVITETIN E SHPËRNDARJES SË GAZIT NATYROR**

Licence Nr: \_\_\_\_\_

Vendimi i ERE Nr.: \_\_\_\_ i datës: \_\_\_\_\_ Data Efektive: \_\_\_\_\_

Lëshuar Personit: \_\_\_\_\_

(Emri i Plotë dhe Adresa Ligjore e Personit)

Kodi Fiskal: \_\_\_\_\_

Sipas Autoritetit Entit Rregullator i Energjisë (“**ERE**”) dhe në përputhje me:

- (i) Ligjin “Për Sektorin e Gazit Natyror” Nr. 102/2015, dhe
- (ii) Ligjin “Për Sektorin e Energjisë Elektrike” No. 43/2015, dhe
- (iii) Rregullores për procedurat dhe afatet për dhënien, modifikimin, transferimin, ose heqjen e licensave në sektorin e gazit natyror., dhe
- (iv) Rregulloren e organizimit, funksionimit dhe Procedurave të ERE, , dhe
- (v) Rregullat dhe Rregulloret që kanë të bëjnë me Sektorin e Gazit Natyror

Enti Rregullator i Energjisë i jep këtë Licence Shpërndarje (“**Licence**”), për kryerjen e aktivitetit të Shpërndarjes së Gazit Natyror në Zonën e përcaktuar në këtë Licencë, Personit të sipërpërmendur, këtej e tutje referuar si “i **Licencuari**”, subjekt i Kushteve të Licencës bashkëngjitur dhe pjesë përbërëse dhe e pandashme e kësaj Licence.

Kjo Licencë së bashku me kushtet e saj bashkëngjitur janë të vlefshme prej Datës Efektive të sipërpërmendur dhe do të ketë efekt për një periudhë 30 vjeçare, në qoftë se Licenca nuk përfundon nga ERE në përputhje me legjislacionin dhe kuadrin rregullator në fuqi për Sektorin e Gazit Natyror dhe Kushtet që përmban kjo Licencë.

Autoriteti Lëshues (ERE)

Kryetari

[selia e ERE]

Pranuar prej Personit të Licencuar së bashku me Kushtet e Licencës;

i Licencuari

---

Përfaqësuesi Zyrtar

**Republika e Shqiperise**  
**Enti Rregullator i Energjise**

**KUSHTET E LICENCËS**

**Për**

**AKTIVITETIN E SHPËRNDARJES SË GAZIT NATYROR**

Licencë Nr: \_\_\_\_\_

Vendimi i ERE Nr.: \_\_\_\_ i datës: \_\_\_\_\_ Data Efektive: \_\_\_\_\_

Licencë lëshuar Personit: \_\_\_\_\_

(Emri i Plotë dhe Adresa Ligjore e Personit)

Kodi Fiskal: \_\_\_\_\_

**Përmbajtja**

1	<i>Dispozita të Pergjithshme .....</i>	4
2	<i>Përkufizime: .....</i>	4
3	<i>Zona e Ushtrimit të Aktivitetit të Licencuar. ....</i>	6
4	<i>Detyrimet Operacionale të të Licencuarit.....</i>	6
5	<i>Detyrimet për Raportim të të Licencuarit .....</i>	11
4	<i>Njoftimet.....</i>	13
5	<i>Aksesi i Palëve të Treta në Sistemin e Shpërndarjes dhe Përjashtimi prej kësaj të Drejte</i> 14	
6	<i>Braktisja dhe Rehabilitimi.....</i>	14
7	<i>Pagesat Rregullatore.....</i>	14
8	<i>Tarifat.....</i>	15
9	<i>Matja dhe Sistemi i Raportimit.....</i>	15
10	<i>Monitorimi i Performancës së Aktivitetit të Licencuar .....</i>	16
11	<i>Cilësia e Shërbimit .....</i>	16
12	<i>Konfidencialiteti i Informacionit .....</i>	17
13	<i>Amendimet e Licencës .....</i>	17

14	<i>Heqja e Licencës .....</i>	18
15	<i>Zgjidhja e Mosmarrëveshjeve dhe e Drejta e Apelimit .....</i>	18
	<i>Aneksi 1. Paraqitja Skematike e Sistemit të Shpërndarje së Gazit Natyror të subjektit juridik_____ të K.....</i>	<b>Error! Bookmark not defined.</b>
	<i>Aneksi 2 Sistemi i Shpërndarjes së gazit Natyror të kompanisë _____Sh.a. paraqitur në hartën gjeografike të Shqipërisë .....</i>	<b>Error! Bookmark not defined.</b>

## **1 Dispozita të Pergjithshme**

- 1.1 Në përputhje me Ligjin nr. 102/2015 “Për Sektorin e Gazit Natyror”, dhe Ligjin N3. 43/2015 “Për Sektorin e Energjisë Elektrike”, ERE është i vetmi Autoritet në Republikën e Shqipërisë, që ka të drejtën të lëshojë dhe deklarojë vlefshmërinë e kësaj Licence.
- 1.2 Nëse bazuar në një Vendim me shkrim të ERE-s, ndonjë ose disa prej kushteve të kësaj Licence bëhen të pavlefshëm, anulohen apo pushojnë së qëni në fuqi, kushti ose kushtet në fjalë duhet të hiqen nga Kushtet e Licencës ndërkohë që Kushtet e tjera të Licencës mbeten efektive dhe me fuqi të plotë.
- 1.3 Nuk lejohet transferim i të drejtave të Licencës apo të aseteve tek asnjë person tjetër, pa aprovimin paraprak me shkrim të ERE-s. Kur aprovon një transferim, ERE mund të modifikojë periudhën e Licencimit dhe ndonjë kusht tjetër të Licencës, duke treguar arsyen.
- 1.4 I Licencuari duhet të respektojë ligjet në fuqi, Vendimet e Qeverisë, Rregullat dhe Rregulloret , si edhe vendimet e aprovuara nga ERE.
- 1.5 ERE ka të drejtën ekskluzive për modifikimin e kësaj Licence në rastin e ndryshimit të kushteve dhe rrethanave në përputhje me ndryshimet në ligj, Vendimet e Qeverisë, Rregullat dhe Rregulloret, si edhe vendimet e aprovuara nga ERE.

## **2 Përkufizime:**

Përkufizimet e termave të përcaktuara në ;

- (i) Ligjin Nr. 102/2015, “Për Sektorin e Gazit Natyror” dhe
- (ii) Ligjin nr. 43/2015 “Për Sektorin e Energjisë Elektrike”, , dhe
- (iii) Rregulloren për procedurat dhe afatet për dhënie, modifikimin, transferimin, ose heqjen e licensave në sektorin e gazit natyror., dhe
- (iv) Rregulloren e organizimit, funksionimit dhe Procedurat e ERE, dhe
- (v) Rregullat dhe Rregulloret që i përkasin Sektorit të Gazit Natyror,

përfshihen në këtë Licencë për çdo qëllim. Fjalë dhe fraza të tjera, të përdorura në këtë Licencë dhe në Kushtet e Licencës, të cilat nuk përfshihen në ligjet dhe rregulloret e mësipërme, kanë kuptimet si më poshtë vijon:

### **2.1. Biznes i Lidhur** do të thotë çdo biznes, i cili ;

- a) Direkt ose indirekt , plotësisht ose pjesërisht, zotërohet nga i Licencuari; ose
- b) Ka të drejta pronësie mbi të Licencuarin; ose

- c) Është pronë e një Personi, i cili është pronë e të Licencuarit.
- 2.2. Enti Rregullator i Energjisë**” ose“**ERE**” është institucioni rregullator i sektorit të energjisë elektrike dhe gazit natyror, i cili funksionon në përputhje me ligjin 43/2015 për sektorin e energjisë elektirkre dhe ligjin nr 102/2015 Për sektorin e gazit natyror”
- 2.3. Ndër-Subvencionime** do të thotë transferimi i fondeve ose ndarje e kostove ndër llogaritë e të Licencuarit, ose llogaritë e Bizneseve të Lidhura me qëllim mbështetjen financiare të një aktiviteti apo biznesi duke i kaluar kostot tek një aktivitet apo biznes tjetër.
- 2.4. Aktivitet i Licencuar** do të thotë aktivitetet e lidhura direkt dhe të nevojshme për operimin dhe përdorimin e Sistemit të Shpërndarjes dhe ndërveprimin me sistemet e tjera të transmetimit, depozitimit dhe shpërndarjes për të kryer aktivitetin e shpërndarjes se Gazit Natyror në Zonën e Licencës në përputhje me Rregullat dhe Rregulloret në fuqi,.
- 2.5. I Licencuar** sikurse përdorur në këtë dokument, do të thotë Personi i përmendur në faqen e parë të kësaj Licence, i cili zotëron lejen e marrë nga ERE për kryerjen e Aktivitetit të Licencuar.
- 2.6. Tarifa e Lidhjes me Rrjetin e Shpërndarjes** do të thotë pagesa që i Licencuari aplikon ndaj çdo Personi sipas vendimeve të ERE për të siguruar aksesin në Rrjetin e Shpërndarjes.
- 2.7. Kodi i rrjetit të Shpërndarjes** do te thote tërësia e rregullave teknike, nëpërmjet të cilave rregullohet funksionimi i rrjetit të shpërndarjes, si dhe vendosen kushtet e shërbimit që ofrohet nga operatorët e sistemit të shpërndarjes për përdoruesit e këtij sistemi
- 2.8. Tarife e Shërbimit të Shpërndarjes ose Tarifë e Shpërndarjes** do të thotë çmimi i shërbimit të ofruar nga operatori I sistemit të shpërndarjes së gazit natyror, i vendosur në bazë të metodologjisë së llogaritjes së tarifave
- 2.9. Përdorues i Sistemit të Shpërndarjes (Përdorues i Sistemit)** është personi që furnizon ose furnizohet nga sistemi, si edhe vetë një operator i sistemit, i cili, i lidhur në Sistemin e Shpërndarjes dhe që përfiton nga shërbimet e Shpërndarjes.
- 2.10. Procedurat e Licencimit për Sektorin e Gazit Natyror** do të thote Rregullores për procedurat dhe afatet për dhënie, modifikimin, transferimin, ose heqjen e licensave në sektorin e gazit natyror miratuar me vendimin e Bordit të ERE
- 2.12. Rregullat dhe Rregulloret** do të thotë të gjitha standartet, kodet, rregullat, rregulloret, metodologjitë dhe çdo vendim ose akt tjetër në fuqi, të miratuara nga ERE dhe autoritete të tjera ligjvënëse.
- 2.13. /Rrjet i Shpërndarjes** do të thotë rrjeti i ndërlidhur tubacioneve të të shfrytëzuara për Shperndarjes e Gazit Natyror në Zonën e Licencës.
- 2.14. Zona e Licencës** do të ketëe kuptimin e përcaktuar në pikën 3 të kësaj Licence.
- 2.15. Informacion me Ndjeshmëri Tregtare**do të thotë, të dhëna në lidhje me biznesin ose me natyrë tregtare të Përdoruesve të Sistemit, që zotërohen nga i Licencuari gjatë procesit të ushtrimit të Aktivitetit të Licencuar, të cilat duhet të mbahen konfidenciale.

**2.16 Informacion me Avantazh Tregtar** do të thotë informacion i lidhur me aktivitetin e vetë të Licencuarit, i cili duhet të mbahet konfidencial dhe nuk duhet t'i jepet apo t'i bëhet i ditur të tjerëve në mënyre diskriminuuese.

**2.17 Shërbim publik** është shërbimi që sigurohet nga një i licencuar që operon në sektorin e gazit natyror, që lidhet me sigurinë dhe cilësinë e furnizimit, çmimet e rregulluara në sektorin e gazit natyror, efikasitetin e gazit natyror, energjinë nga burimet e rinovueshme, mbrojtjen e mjedisit, përmbushja e të cilit nuk çënon konkurrencën, përveç kur është e domosdoshme për të siguruar shërbimin publik në fjalë.

### **3 Zona e Ushtrimit të Aktivitetit të Licencuar.**

3.1 Në përputhje me legjislacionin në fuqi, Rregullat dhe Rregulloret dhe zhvillimin e sektorit të gazit natyror në Shqipëri, I Licencuari do të ushtrojë Aktivitetin e Licencuar për Shpërndarjen e Gazit Natyror në Zonën e Licencës.

Zona e Licencës do të përfshijë njësite administrative që vijojnë;

---

---

---

---

---

---

---

---

përfshirë tubacionin ose tubacionet lidhës të Sistemit të Shpërndarjes me pikën ose pikat e daljes prej Sistemit të Transmetimit prej të cilit ose të cilave do të sigurohet lëvrimi i Gazit Natyror.

3.2 Çdo ndryshim i Zonës së Licencës kryhet në përputhje me Rregulloren për procedurat dhe afatet për dhënie, modifikimin, transferimin, ose heqjen e licensave në sektorin e gazit natyror apo Rregullat dhe Rregulloret e miratuara apo ndryshuara nga ERE, nëFuqi

### **4 Detyrimet Operacionale të të Licencuarit**

4.1. I Licencuari autorizohet që sipas kësaj Licence të kryejë Aktivitetin e Licencimit në Zonën e Licencës. Subjekt i kushteve të Rregullores për procedurat dhe afatet për dhënie,

modifikimin, transferimin, ose heqjen e licensave në sektorin e gazit natyror Rregullave dhe Rregulloreve, kjo e drejte i jepet të Licencuarit mbi baza ekskluzive.

2. Operatori i Sistemit të Shpërndarjes lidh në rrjetin e shpërndarjes të gjithë klientët, bazuar në kushte jodiskriminuese, transparente, të parashikuara në rregulloret në fuqi, me kusht që sistemi i shpërndarjes të ketë kapacitet të mjaftueshëm dhe të plotësojë të gjitha kushtet e tjera teknike e tregtare.
  3. Operatori i Sistemit të Shpërndarjes siguron aksesjodiskriminues të të gjithë përdoruesve të sistemit në rrjetin e shpërndarjes, në përputhje me dispozitat e legjislacionit në fuqi, duke shmangur diskriminimin ndërmjet përdoruesve të sistemit ose kategorive të përdoruesve, sidomos në favor të shoqërive të lidhura me të.
  4. Operatori i Sistemit të Shpërndarjes u siguron përdoruesve të sistemit informacion lehtësisht të aksesueshëm nga palët për shërbimet e ofruara, kushtet e shërbimit, si dhe një informacion të nevojshëm teknik për një akses efektiv në rrjet, në përputhje me përjashtimet nga informacioni konfidencial, të miratuar nga ERE.
  5. Operatori i Sistemit të Shpërndarjes i siguron çdo operatori të sistemit informacionin e mjaftueshëm për të siguruar transportimin e depozitimin e gazit natyror dhe bërjen të mundur, në përputhje me operimin e sigurt dhe efikas të sistemit të interkoneksionit.
  6. Operatori i Sistemit të Shpërndarjes publikon kushtet dhe kriteret e miratuara nga ERE, përfshirë rregullat dhe tarifatat për sigurimin e shërbimeve të shpërndarjes.
  7. Kur Operatori i Sistemit të Shpërndarjes është përgjegjës për balancimin e sistemit të shpërndarjes, rregullat e miratuara prej tij për këtë qëllim do të jenë objektive, transparente dhe jodiskriminuese, përfshirë këtu edhe rregullat për faturimin e përdoruesve për disbalancimin. Detyrimet dhe kushtet, përfshirë rregullat dhe tarifatat për sigurimin e shërbimeve të tilla nga Operatori i Sistemit të Shpërndarjes përcaktohen në bazë të një metodologjie të miratuar nga ERE në mënyrë jodiskriminuese dhe me kosto efektive, e cila publikohet.
  8. Operatori i Sistemit të Shpërndarjes ruan konfidencialitetin e çdo informacioni tregtar në lidhje me përdoruesit, të marra këto gjatë veprimtarisë së tij, dhe parandalon përhapjen e informacionit sensitiv në mënyrë diskriminuese, që mund të krijojnë avantazhe tregtare në momentin që bëhen publike. Operatori i Sistemit të Shpërndarjes, në shitjen ose blerjet e gazit natyror nga shoqëritë përgjegjëse, nuk duhet të abuzojë me informacionin tregtar të marrë nga palët e treta në dhënien apo negocimin e aksesit në sistem.
  9. Operatori i Sistemit të Shpërndarjes është përgjegjës për kryerjen e kontrollit teknik në objektet ku OSSH-ja bën shpërndarjen e gazit natyror, në mënyrë që të garantojë se ato operojnë në përputhje me rregullat teknike në fuqi.
- 4.1.
  - 4.2. I Licencuari do të operojë, përdorë dhe zhvillojë Sistemin e Shpërndarjes në mënyre eficiente dhe me një kapacitet të mjaftueshëm për të plotësuar kërkesat e të gjithë Përdoruesve të Sistemit.



- 4.3. Në përputhje me Ligjin 102/2015, “Për Sektorin e Gazit Natyror” i Licencuari ka përgjegjesinë të sigurojë furnizimin publik për të gjithë klientët tariforë që ndodhen në Zonën e Licencës në përputhje me legjislacionin në fuqi.
- 4.4. Jo më vonë se 2 vjet nga Data Efektive e kësaj Licence, i Licencuari do të përgatisë dhe dorëzojë për miratim prej ERE një propozim të Kodit të Sistemit të Shpërndarjes.
- 4.5. I Licencuari do të sigurojë që Sistemi i Shpërndarjes dhe gjithë tubacionet, impiantet dhe paisjet përbërëse përfshirë kompresorët, reduktorët e presionit, matësat dhe çdo paisje tjetër janë ndërtuar dhe mirëmbahen sipas kushteve dhe standarteve teknike në fuqi.
- 4.6. I Licencuari është i detyruar që të hartojë Planin e zhvillimit dhe investimeve të rrjetit të shpërndarjes për 10 vjet dhe ky plan do të përshtatet çdo vit për 10 vitet e ardhshme. Plani i zhvillimit dhe i investimeve do të përmbajë tregues afatshkurtër, afatmesëm dhe afatgjatë. Treguesit afatshkurtër do të mbulojnë një periudhë prej 3 vjetësh, ato afatmesëm për një periudhë prej 6 vjetësh dhe ato afatgjatë një periudhë prej 10 vjetësh
- Plani për zhvillimin dhe zgjerimin e Sistemit të Shpërndarjes Operatorit i sistemit të shpërndarjes merr në konsideratë dispozitat ligjore për mbrojtjen e mjedisit dhe të efikasitetit të energjisë . Ky plan në veçanti do të përmbajë;
- a) Një përshkrim të situatës aktuale të Sistemit të Shpërndarjes;
  - b) Një përshkrim dhe vlerësim të rasteve të refuzimit të aksesit të palëve të treta dhe masat e propozuara për përmirësimin e situatës.
  - c) Parashikimin e nevojave për mirëmbajtjen, zhvillimin, zgjerimin dhe modernizimin e Sistemit të Shpërndarjes dhe aftësitë e tij funksionale për plotësimin e nevojave për kapacitete shpërndarëse të të gjithë Përdoruesve të Zonës së Licencës për periudhën përkatëse.
  - d) Ndërveprimi me Sistemin e Transmetimit me të cilin është lidhur.
  - e) Burimet financiare për zbatimin e planit.
- 4.7. I Licencuari do të lejojë hyrjen e palëve të treta në Sistemin e Shpërndarje sikurse është përcaktuar , në pikën 7 të kësaj Licence.
- 4.8. I Licencuari nuk do të pengojë ose tentojë të pengojë pjesëmarrës të tjerë të tregut, apo konkurrentë të ndryshëm që synojnë të angazhohen në një biznes të Gazit Natyror në Republikën e Shqipërisë.
- 4.9. I Licencuari nuk do të vendosë asnjë pagesë tjetër për Shërbimet e Shpërndarjes përveç atyre të aprovuara nga ERE.
- 4.10. I Licencuari nuk do të angazhohet në Nder-subvencionime. Në përputhje me Ligjin Nr102/2015 “Për Sektorin e Gazit Natyror” dhe Rregullat dhe Rregulloret e ERE, në qoftë se i Licencuari është një kompani vertikalisht e integruar në sektorin e gazit natyror, ai do t’i ndajë llogaritë e tij financiare sipas aktiviteteve të prodhimit, Transmetimit, Shpërndarjes,

operimit në hapësirat e depozitimit të gazit natyror, Tregtimit , Furnizimit dhe operimit në impiantet e GNL-së; në mënyrë të tillë që të provojë në mënyrë të besueshme pranë ERE dhe çdo autoritetit tjetër të ngarkuar me ligj se nuk ka Ndër-subvencionime, nuk çenohet konkurrenca dhe nuk ka diskriminim.

- 4.11. I Licencuari nuk do të angazhohet në asnjë formë monopoli ose aktivitete të tjera që dëmtojnë konkurrencën.
- 4.12. Gjatë kryerjes së Aktivitetit të Licencuar, i Licencuari është përgjegjës për sigurinë e shëndetit dhe jetës së njerëzve, të pronës së tyre si dhe për dëmtimin e ambjentit në përputhje me legjislacionin në fuqi dhe Rregullat dhe Rregulloret e miratuara nga ERE. I licencuari duhet të dispozojë një çertifikatë sigurimi nga shoqëri sigurimi (që operojnë në përputhje me legjislacionin në fuqi në Shqipëri) që evidenton mbulimin e përgjegjësisë për dëmtimet për plagosje, sëmundje ose raste të vdekjes së Personave ose për humbjen ose shkatërrimin e pronës të shkatkuara ose që kanë rezultuar prej aktiviteteve të Aplikantit në kuadër të Licensës së kërkuar në një nivel përgjegjësie jo më të vogël se 10 milion USD. Kjo politikë ose këto politika sigurie do të jenë dhe qëndrojnë në fuqi dhe me efekt të plotë për të gjithë kohëzgjatjen e Licensës së kërkuar. Për më tepër i Licencuari do të mbetet përgjegjës për çdo dëmtim që do të mund të ndodhë prej, ose të lidhet me, ose të rezultojë prej aktiviteteve të kryera gjatë kohëzgjatjes së Licensës..
- 4.13. Në cdo kohë, I licencuari duhet të disponojë dhe të vendosë në dispozicion të ERE të dhëna të sakta mbi:
  - ii Vendndodhjen e instalimeve dhe gjurmën e tubacioneve përfshirë hartën Topografike .
  - ii. Zonën gjeografike të mbuluar.
  - iii. Kapacitetin maksimal teknik të kontraktuar dhe të disponueshëm në të gjitha pikat e hyrjes (in take) në Sistem dhe të daljes (off take) prej Sistemit dhe ndërlidhjet e tij me rrjetet e tjera të Transmetimit dhe Shpërndarjes, impiantet e magazinimit, prodhimit dhe terminalet e GNL
  - iv. Volumet e projektuara ditore për t'u përpunuar sipas vlerësimeve të tij
  - v. Standardet teknike, presionet maksimale të projektuara, kërkesat e komprimimit dhe karakteristikat e tjera teknike të makinerive dhe pajisjeve teknike që do të instalohen.
  - vi. Presionet e punës të projektuara mbështetur në vlerësimet e tij
  - vii. Kategoritë e konsumatoreve dhe livrimet e projektuara.
  - viii. Vendndodhjet e matësve dhe specifikimet.
  - ix. Planet e aromatizimit përfshirë vendndodhjet
  - x. Dëshmi të kontratave/angazhimeve.

- xi. Lidhjet ndër-rajonale dhe parametrat e operimit të OSSH fqinje në se është e përshtatshme. xiii. Aftësia për lëvizjen në kah të kundërt në se është e përshtatshme.
  - xii. Programin e punës për zbatimin e projektit dhe jeta e pritshme e projektit.
  - xviii. Sasia mesatare e gazit natyror që parashikohet për t'u shpërndarë gjatë një viti mbështetur në një program tipik mujor.
- 4.14. Në qoftë se i Licencuari përballet ose parashikon një situatë emergjence që kërcënon jetën ose shëndetin e njerëzve, ose sigurinë e pronës së tyre, ambientin, qëndrueshmërinë e Sistemit të Shpërndarjes ose sigurinë e furnizimit, atëherë i Licencuari ndërmerr hapat e nevojshme për të përmirësuar ose parandaluar ndikimet e situatës emergjente aktuale ose të pritshme. Pa vonesë në vijim i Licencuari duhet të njoftojë ERE-n dhe çdo autoritet tjetër të nevojshëm për situatën emergjente dhe veprimet ose planet e të Licencuarit për menaxhimin e kësaj situate.
- 4.15. I Licencuari nuk do të angazhohet i vetëm ose së bashku me Persona të tjere, në aktivitete të cilat kanë për qëllim, ose mund të dëmtojnë natyrën e drejtë, të hapur dhe jo diskriminuese të Sistemit të Shpërndarjes dhe Tregut të Gazit Natyror. I Licencuari mund të bashkëpunojë me Persona të tjerë në aspekte të sigurisë, qëndrueshmërisë dhe përmirësimit të Sistemit të Shpërndarjes.
- 4.16. I Licencuari kryen aktivitetin e Licencuar, zhvillon politika dhe programe, si edhe merr masat e nevojshme për përmirësimin dhe nxitjen e eficiencës ekonomike dhe operacionale të Sistemit të Shpërndarjes dhe siguron që Furnizimi me Gaz Natyror të kryhet në përputhje me kërkesat praktikat dhe standardet europiane lidhur me cilësinë e shërbimit dhe qëndrueshmërinë e Sistemit të Shpërndarjes.
- 4.17. I Licencuari nuk angazhohet në aktivitete, të cilat pengojnë kryerjen e Aktivitetit të Licencuar. I Licencuari duhet të njoftojë ERE-n në rast se ai planifikon të:
- a) angazhohet në aktivitete të tjera, përveç Aktivitetit të Licencuar; ose
  - b) të ngrejë një Biznes të Lidhur.
- ERE mund të ndalojë ose të vendosë kushte të veçanta për ngritjen e Bizneseve të Lidhura, me qëllim mbrojtjen e Përdoruesve të Sistemit dhe për t'u siguruar që nuk ka Ndër-Subvencionime të aktiviteteve.
- 4.18. I Licencuari nuk është përgjegjës për mosplotësimin e Kushteve të Licencës në rastin e Forcës Madhore, në masën që, dhe për periudhën në të cilën Forca Madhore nuk lejon plotësimin e Kushteve të Licencës. Në rastin e Forcës Madhore, i Licencuari duhet të njoftojë menjëherë ERE-n dhe Përdoruesit e tjerë të Rrjetit, me të cilët ka lidhur kontratë.
- 4.19. Kontrolli i Centralizuar dhe Koordimi i Sistemit të Shpërndarjes

4.19.1. I Licencuari duhet të drejtojë dhe koordinojë operimin e Sistemit të Shpërndarjes në përputhje me Kodin e Sistemit të Shpërndarjes, Rregullat dhe Rregulloret e miratuara nga ERE.

4.19.2. Për sigurimin e koordinimit të Aktivitetit të Licencuar dhe operimin efektiv e të qëndrueshëm të Sistemit të Shpërndarjes, i Licencuari instalon, përdor dhe mirëmban pajisjet e nevojshme për mbrojtjen e Sistemit të Shpërndarjes nga gabimet operationale, humbjet e linjës, apo çdo ngjarje tjetër të mundshme, e cila mund të ketë efekt të dëmshëm në Sistemin e Shpërndarjes, ose pajisjet e instalimet e lidhura me të.

#### 4.20. Ndryshimet në Sistemin e Shpërndarjes

4.20.1. I Licencuari do të njoftojë menjëherë ERE-n për çdo rrethanë që çon në ndryshime të rëndësishme të kapacitetit shpërndarës të linjave dhe impianteve dhe paisjeve të Sistemit të Shpërndarjes, për një periudhë me të gjatë se tridhjetë (30) ditë dhe do t'i paraqesë ERE-s opinionin e tij për zgjidhjen me të përshtatshme të situatës për të reduktuar ndikimin e dëmshëm.

4.20.2. I Licensuari do të informojë ERE-n për planet për reduktimin e presionit të tubacioneve ose të pajisjeve të Sistemit të Shpërndarjes të paktën dymbëdhjete (12) muaj para reduktimit të planifikuar dhe do t'i paraqesë ERE-s një shpjegim të detajuar të veprimeve dhe masave që do të merren për të zvogëluar ndikimin negativ të mundshëm.

4.20.3. I Licencuari nuk do të lidhe kontrata, për të cilat është ose duhet të jetë në dijeni të pasojave që përbëjnë shkelje të Kushteve të Licencës.

4.20.4. I Licencuari mund të pezullojë shërbimet e Sistemit të Shpërndarjes për një apo më shumë Përdorues të Sistemit, për një periudhë kohe, kur veprimi apo mosveprimi i një Personi rrezikon qëndrueshmërinë, sigurinë dhe cilësinë shërbimeve të Shpërndarjes për Përdoruesit e tjerë të Sistemit të Shpërndarjes, ose mund të pengojë përmbushjen e Kushteve të Licencës. I Licencuari, pa vonesë duhet të njoftojë ERE-n dhe ndonjë Person tjetër të prekur nga kjo situatë, lidhur me veprimet e pezulluara sipas këtij paragrafi. Këto njoftime duhet të përmbajnë një opinion të argumentuar në lidhje me natyrën, madhësinë dhe periudhën e zgjatjes së këtyre pezullimeve.

### **5 Detyrimet për Raportim të të Licencuarit**

3. Deri në datën 15 Shkurt të çdo viti, i Licencuari dërgon në ERE një deklaram se aktiviteti i të Licencuarit gjatë vitit parardhës ka qënë në përputhje me kushtet e kësaj Licence.

#### 5.1 Raportimi Aktivitetit Operacional Vjetor

5.1.1 Deri në datën 15 Shkurt të çdo viti, i Licencuari dërgon në ERE një raport për aktivitetin operacional për vitin paraardhës. ERE mundet të vendosë kushte të veçanta për formën e raportimit.

5.1.2 Raporti Vjetor, do të paraqesë analizën e veprimtarisë operacionale të të Licencuari dhe do të trajtojë minimalisht çështjet që vijnë:

- a) volumin gazit natyror të shpërndarë gjatë vitit parardhës (sasia totale e gazit natyror të shpërndarë, numrin e përdoruesve të shërbyer) sipas njësive përbërëse të Zonës së Licencës dhe në total si dhe krahasime me vitet pararendëse;
- b) masat e marra gjatë vitit për të cilin raportohet për :
  - mbrojtjen e mjeteve dhe pajisjeve nga ndikimet e jashtme dhe difektet dhe sigurimin e mjeteve dhe pajisjeve të nevojshme për Aktivitetin e Licencuar,
  - sigurinë në punë;
  - mbrojtjen e ambjentit dhe shëndetit të njerëzve;
  - monitorimin e operimit të Sistemit të Shpërndarjes;
  - plotësimin e kushteve për një aktivitet të qëndrueshëm, të vazhdueshëm dhe me cilësi;
  - plotësimin e kushteve për eficiencën e përdorimit të energjisë; dhe
  - analizën e rasteve të emergjencës dhe masave parandaluese
- c) realizimin e planit vjetor për zhvillimin dhe zgjerimin e Sistemit të Shpërndarjes të miratuar nga ERE për vitin paraardhës;
- d) zbatimin e programit të riparimeve dhe mirëmbajtjes në vitin raportues;
- e) inspektimet, supervizimet dhe kontrollet e kryera nga organet kompetente, duke i shoqëruar me fotokopje të raporteve, analizave dhe vendimeve përkatëse ;
- f) një vlerësim të nivelit të realizimit të planit për zhvillimin dhe zgjerimin e Sistemit të Shpërndarjes për vitin që raportohet;
- g) Një vlerësim paraprak të planit për zhvillimin dhe zgjerimin e Sistemit të Shpërndarjes që duhet të paraqitet i plotë në përputhje me pikën 4.5 të kësaj Licence.
- h) Realizimin e detyrimit për të mbajtur të informuar konsumatorët dhe masat e marra për përmirësimin e cilësisë së shërbimit.

## 5.2 Raportimi Financiar

5.2.1 I Licencuari harton, paraqet për auditim dhe publikon bilancet tij vjetore sipas kritereve dhe kushteve të përcaktuara në ligjet në fuqi dhe në përputhje me standardet ndërkombëtare të kontabilitetit. I licencuar mban llogari të veçanta për secilën nga veprimtaritë e licencuara që ushtron, si dhe për çdo veprimtari tjetër që nuk lidhet me sektorin e gazit natyror, me qëllim shmangien e ndërshtabvencionimit dhe cënimit të konkurrencës. Këto llogari mund të paraqiten të konsoliduara, përveç rastit kur veprimtaritë e kryera lidhen me shpërndarjen apo transmetimin e gazit natyror. I licencuari mban llogari të veçanta financiare për veprimtari të tjera të gazit, të cilat mund të jenë të konsoliduara, duke mbajtur të ndara edhe llogaritë që

nuk lidhen me veprimtaritë e parashikuara në ligj. ,, , “. Deri në datën 30 Qershor të çdo viti i Licensuari dorëzon në ERE pasqyrat financiare të audituara nga ekspertë kontabël të autorizuar, te shoqëruara me:

- Bilancin
- Pasqyra e të ardhurave dhe shpenzimeve.,
- Pasqyra e ndryshimeve në kapital,
- Pasqyra e fluksit të parasë
- Shënimet shpjeguese

5.2.2 I Licensuari do të ndaje shpenzimet e përbashkëta mes Aktivitetit të tij të Licensuar dhe tipeve të tjera të aktiviteteve (përfshirë aktivitetet e autorizuar nga leje të tjera apo Koncesione) në bazë të arsyeshme në përputhje me Rregullat dhe Rregulloret e ERE-s dhe praktikat e biznesit . Në përputhje me kerkesat e pikës 4.10 të kësaj Licence dhe me kërkesë të ERE-s, i Licencuari dorëzon në ERE Pasqyrat Financiare të audituara të cilat mbulojnë të gjitha aktivitetet e të Licencuarit Me kërkesë të ERE-s, i Licencuari dorëzon në ERE edhe shpjegimet që justifikojnë bazat për alokimin e shpenzimeve të përgjithshme të kryera nga i Licencuari.

## 6 Njoftimet

6.1 I Licencuari duhet të njoftojë ERE-n brenda 10 (dhjetë) ditëve për çdo ndryshim në:

- (a) Adresën Zyrtare,
- (b) Statutin e të Licencuarit,
- (c) Certifikatën e Regjistrimit,
- (d) Kodin Fiskal,
- (e) Përfaqësuesit Zyrtar apo Organet e tjera Drejtuese
- (f) Ndryshimin e strukturës së aseteve nga 10%, ose me tepër,
- (g) Çdo ndryshim tjetër në organizimin dhe operimin e të Licencuarit, të cilat mund të kenë një ndikim të rëndësishëm në aktivitetin e të Licencuarit.

Nese i Licensuari nuk e ben kete njoftim, ERE mund të aplikojë gjoba, mbështetur në parashikimet e nenit 107 të ligjit 43/2015 “Per Sektorin e Energjise Elektrike”, i ndryshuar dhe Rregullave dhe Rregulloreve të ERE.

6.2 Gjithë njoftimet zyrtare, aplikimet, petitionet, pretendimet ose korrespondenca tjetër me ERE-n lidhur me Licencën duhet të jete me shkrim dhe të nënshkruara respektivisht nga një zyrtar i autorizuar ose përfaqesues i caktuar i të Licencuarit dhe ERE-s, sipas rastit dhe të dërgohet me korrier ose postë të regjistruar, duke kërkuar një verifikim të fletës së

marrjes. Adresat e palëve duhet të vendosen mbi zarf. Gjithë njoftimet ose korrespondenca tjetër do të konsiderohen se hyjnë në fuqi nga momenti i dorëzimit, ose nëse nuk janë dorëzuar për shkak të gabimit të dërguesit, nga momenti i prezantimit.

## **7 Akresi i Paleve te Treta ne Sistemin e Shperndarjes dhe Perjashtimi prej Kesaj te Drejte**

Në përputhje me Ligjin nr.102/2015 “Për Sektorin e Gazit Natyror” dhe Rregullat dhe Rregulloret e miratuara prej ERE, i Licencuari do të sigurojë hyrjen si palë të treta në Sistemin e Shpërndarjes në Zonen e Licencës të Përdoruesve të Sistemit në menyrë të drejte, transparente dhe jo diskriminuese.

## **8 Braktisja dhe Rehabilitimi**

- 8.1 Në përputhje me Rregullat dhe Rregulloret në fuqi, i Licencuari braktis pajisjet dhe impiantet dhe rehabiliton vendndodhjen e paisjeve dhe mjedisin përreth në rastet kur:
  - a) pajisjet dhe impiantet janë jashtë shërbimi, të dëmtuara dhe nuk janë riparuar përgjatë një periudhe prej 6 (gjashtë) muaj kalendarike, dhe;
  - b) i Licencuari nuk ka njoftuar ERE-n që ai ka ndërmend të përdorë, riparojë apo zëvendësojë këto pajisje dhe impiante.
- 8.2 I Licencuari duhet të ndërmarre menjëhere veprimet e nevojshme për zhvendosjen e pajisjeve të braktisura dhe të bëjë restaurimin e zonës në kushtet që ajo ka qenë para fillimit të ushtrimit të aktivitetit të Licencuar dhe të riparojë çdo dëm të ambientit të shkaktuar si rezultat i veprimtarisë së të Licencuarit.
- 8.3 Të gjitha shpenzimet për braktisjen e pajisjeve apo faciliteteve dhe rehabilitimin e zonës dhe ambientit i ngarkohen të Licencuarit.
- 8.4 I Licencuari do të mbajë ERE dhe Shtetin Shqiptar jashtë çdo kostoje zhdëmtimi dhe përgjegjësie tjetër përfshirë rehabilitimin e dëmtimeve mjedisore të shkaktuara ose që kanë ardhur si pasojë e gabimeve të të Licencuarit në ushtrimin e aktivitetit sipas kësaj Licence.

## **9 Pagesat Rregullatore**

I Licencuari duhet të paguajë në ERE pagesat në mënyrë të rregullt gjatë gjithë kohës së mbajtjes së Licencës në përputhje me Ligjin mbi “Sektorin e Gazit Natyror “ dhe Rregullave dhe Rregulloreve te ERE-s. Në qofte se i Licencuari nuk paguan këto pagesa në masën dhe kohën e caktuar atëhere ndaj tij merret masë administrative sipas legjislacionit në fuqi.

## **10 Tarifat**

Tarifat e përcaktuara nga ERE marrin parasysh nevojën e integritetit të sistemit, reflektojnë kostot reale, me qëllim kthimin e duhur të investimeve të të licencuarit.

10.1 Tarifa e Shpërndarjes rregullohet dhe aprovohet nga ERE.

10.2 Tarifa e Shpërndarjes e aprovuar nga ERE do të vendoset për të siguruar të Licencuarin me:

- a) Të ardhurat e mjaftueshme për mbulimin e niveleve të arsyeshme të kostove , pëfshirë koston e kapitalit;
- b) Sigurimin e një norme të arsyeshme fitimi, dhe
- c) Nxitje (incentiva) për reduktimin e kostove dhe operimin në mënyrë me eficiente.
- d) stimuj të mjaftueshëm në planin afatgjatë dhe afatshkurtër për të rritur efikasitetin, për të nxitur integritetin e tregut dhe sigurinë e furnizimit, si dhe për të ofruar mbështetje për veprimtaritë kërkimore.

10.3 Për sasinë e gazit natyror të shpërndarë nga i Licencuari, si edhe për shërbimet e ofruara prej tij, i Licencuari autorizohet të vendosë pagesa për të gjithë Përdoruesit e Sistemit të Shpërndarjes me kusht që këto pagesa të jenë sipas tarifave të aprovuara nga ERE. Vlera e këtyre pagesave përcaktohet mbi bazën e tarifës së Shpërndarjes dhe sasinë e gazit të regjistruar në matësat e instaluar në:

- a) Kufirin e Sistemit të Shpërndarjes dhe Sistemit të Transmetimit në të cilin është lidhur.; dhe;
- b) Kufirin e Sistemit të Shpërndarjes dhe Konsumatoreve të cilët marrin lidhje direkt me Sistemin e Shpërndarjes,

10.4 Bazuar në aplikimin e të Licencuarit ose me inisiativën e saj, ERE mund të rishikojë Tarifën e Shpërndarjes dhe t'a ndryshojë atë, në përputhje me legjislacionin në fuqi dhe Rregullat dhe Rregulloret e ERE-s.

## **11 Matja dhe Sistemi i Raportimit**

11.1 I Licensuari do të regjistrojë të gjithë volumet e Gazit Natyror që hyjnë ose dalin nga Sistemi i Shpërndarjes në përputhje me Kodin e Sistemit të Shpërndarjes. Në vendet ku nuk ka matës ose kur matësat nuk regjistrojnë në mënyrë korrekte, i Licensuari do të përcaktojë sasinë e gazit të shpërndarë në përputhje me Kodin e Sistemit të Shpërndarjes dhe do të ndërmarrë pa vonese masa për instalimin ose riparimin e pajisjeve të nevojshme matëse.



- 11.2 I Licencuari mban raporte të detajuara mujore për sasitë e gazit që hyjnë dhe dalin në Sistemin e Shpërndarjes, Operimin e Sistemit të Shpërndarjes dhe detaje të tjera të Sistemit të Shpërndarjes.
- 11.3 I Licencuari u dorëzon mbi baza mujore të gjithë Përdoruesve të Sistemit të Shpërndarjes, me të cilët ka lidhur kontrata për sigurimin e shërbimeve të Shpërndarjes, të dhëna lidhur me Sasinë e Gazit të shpërndarë, në përputhje me kontratën e lidhur me çdo Përdorues.

## **12 Monitorimi i Performancës së Aktivitetit të Licencuar**

- 12.1 ERE monitoron të Licencuarin lidhur me zbatimin e kushteve të Licencës, shqyrton raportet e të Licencuarit dhe, kur e shikon të arsyeshme ERE inspekton asetet, llogaritë apo të dhëna të tjera dhe kërkon auditimin e aktiviteteve të të Licencuarit. Kostot e auditimeve janë për llogari të të Licencuarit. Në vijim të një ankese të argumentuar të një pale të tretë, apo me inisiativën e vet, ERE mund të fillojë një hetim të pajtueshmërisë së Aktivitetit të të Licencuarit me Kushtet e Licencës dhe Rregullat dhe Rregulloret e ERE.
- 12.2 I Licencuari duhet të sigurojë akses të plote përfaqësuesve të autorizuar të ERE në dokumentacionin dhe raportet e të Licencuarit për të kontrolluar aktivitetin e Licencuar në përputhje me Rregullat dhe Rregulloret e miratuara nga ERE. I Licencuari duhet të japë të gjithë ndihmën e nevojshme gjatë procesit të kontrollit.
- 12.3 Në qoftë se pas investigimit, ERE arrin në përfundimin që i Licencuari nuk ka përmbushur Kushtet e Licencës, ERE mund të rishikojë tarifën e të Licencuarit dhe /ose merr masat e nevojshme në përputhje me Ligjin nr 102/2015 “Per Sektorin e Gazit Natyror”, Rregullat dhe Rregulloret, me qëllim mbrojtjen e interesave të Përdoruesve të Sistemit të Shpërndarjes dhe konsumatorëve të Gazit Natyror.
- 12.4 I Licencuari duhet të informojë ERE për çdo shkelje të Kushteve të Licencës brenda 7 (shtatë) ditëve kalenderike nga dita e marrjes dijeni të një fakti të tillë.
- 12.5 I Licencuari duhet të zbatojë të gjitha vendimet e marra nga ERE, përfshirë pagesat e gjobave të vendosuar nga ERE, në përputhje me Rregullat dhe Rregulloret.

## **13 Cilësia e Shërbimit**

I Licencuari është i detyruar të:

- a) sigurojë shërbim cilësor të Shpërndarjes së gazit natyror që lidhet me;
- vazhdueshmërine e livrimit
  - cilësinë e gazit natyror që hyn në Sistemin e Shpërndarjes dhe ruajtjen e cilësisë së tij deri në daljen nga Sistemi si dhe
  - cilësinë tregtare të shërbimit.

- b) të hartojë një metodologji për standardet dhe monitorimin e cilësisë së gazit natyror në pikat e hyrjes dhe të daljes së Sistemit të Shpërndarjes dhe ta dorëzojë atë për miratim në ERE, dhe
- c) të monitorojë në vijimësi cilësinë e gazit të shpërndarë dhe të dorëzojë pranë ERE-s raporte periodike, në përputhje me metodologjinë e aprovuar.

## **14 Konfidencialiteti i Informacionit**

- 14.1 I Licencuari duhet të sigurojë që çdo informacioni i marrë si rezultat i ushtrimit të Aktivitetit të Licencuar nuk do t'i bëhet i ditur askujt me përjashtim të rasteve kur:
- a) informacioni duhet të zbulohet gjatë kryerjes së Aktivitetit të Licencuar.
  - b) kur të Licencuarit i kërkohet të deklarojë informacionin në përputhje me Kushtet e Licencës,
  - c) me urdhër të ERE-s,
  - d) Jepet pëlqimi paraprak me shkrim i Personit me të cilin lidhet informacioni;
  - e) me urdhër të Gjykatës, dhe zbatimin e legjislacionit në fuqi;
  - f) në qoftë se informacioni është bërë i njohur në publik;
- 14.2 I Licensuari do të sigurojë që çdo Biznes i Lidhur nuk do të përdorë asnjë informacion të të Licencuarit për të fituar një avantazh konkurrues të pajustificuar dhe do të sigurojë që nuk do të përhapë asnjë informacion tek ndonjë Person tjetër (përfshirë Biznese të tjerë të Lidhura) që mund ta mundësojnë këtë Person të arrijë përfitim tregëtar të pajustificuar.
- 14.3 I Licensuari do të hartojë dhe do të paraqesë pranë ERE-s procedurat për të siguruar zbatimin e kësaj pike
- 14.4 I Licensuari do të ndërmarrë çdo hap të nevojshëm për ta ruajtur informacionin konfidencial në posedim të të Licencuarit dhe për t'i raportuar ERE-s në përputhje me obligimet e paraqitura në këtë pike 14.
- 14.5 Informacioni i dërguar ERE-s nga i Licensuari do të konsiderohet publik me përjashtim të rasteve kur me kërkesë specifike të të Licencuarit, ERE-ja me vendim përcakton që ky informacion është i natyrës pronësore dhe nuk duhet të bëhet përhapja e tij në publik.

## **15 Amendimet e Licencës**

Modifikimi i Kushteve të kësaj Licence do të bëhet në përputhje me legjislacionin në fuqi dhe Procedurat e Licencimit për Sektorin e Gazit Natyror.

## **16 Heqja e Licences**

- 16.1 ERE mund të heqë Licencën në perputhje me Ligjin mbi “Sektorin e Gazit Natyror” dhe Procedurat e Licencimit të ERE-s për Sektorin e Gazit Natyror, si edhe me Rregullat dhe Rregulloret e tjera,
- 16.2 Në qoftë se i Licencuari ndryshon statusin e tij ligjor, ose strukturën e kontrollit të interesave të aksionereve pa autorizimin e ERE-s, Licenca behet e pavlefshme dhe subjekti pasues i të Licencuarit duhet të aplikojë për një Licence të re në perputhje me Rregulloren për procedurat dhe afatet për dhënien, modifikimin, transferimin, ose heqjen e licensave në sektorin e gazit natyror..

## **17 Zgjidhja e Mosmarrëveshjeve dhe e Drejta e Apelimit**

- 17.1 Cdo mosmarrëveshje ndërmjet të Licencuarit dhe cdo Përdoruesi të Sistemit të Shpërndarjes, apo ndonjë personi tjetër që lidhet me aktivitetin e Shpërndarjes, ose Kushtet e kësaj Licence do të zgjidhet me mirëkuptim, në përputhje me Legjislacionin, Rregullat dhe Rregulloret në fuqi.
- 17.2 Në rast se nuk arrihet në zgjidhje të mosmarrëveshjes me mirëkuptim, atëherë bazuar në kërkesën e çdo pale që është pjesë e kësaj mosmarrëveshje, ERE zgjidh mosmarrëveshjen dhe nxjerr vendimin e saj në perputhje me Legjislacionin, Rregullat dhe Rregulloret në fuqi.
- 17.3 I Licencuari mund të apelojë vendimin e ERE-s në Gjykatën e Rrethit gjyqësor Tiranë brenda 45 ditëve nga marrja e vendimit. Gjate pritjes për apelim, në qoftë se ka, i Licencuari duhet të zbatojë vendimet e ERE-s.